

**Cogitationes, Sive Considerationes Christianae Pro
singulis Anni diebus**

Complectens Julium, Augustum, Septembrem

Nepveu, François

Monachii, 1709

Dies 15. De necessitate Meditationis, sive considerationis.

[urn:nbn:de:hbz:466:1-60520](#)

朱利烏斯：朱：朱：朱利烏斯：朱利烏斯 Julius,

DIES XV.

De Necessitate Meditationis, Sive Considerationis.

I.

SAlutem æternam consequi non possumus, nisi de ea cogitemus, nisi eam consideremus, nisi meditemur. *Desolatiōne desolata est omnis terra* (propter iniquitatem) inquit Propheta, quia nullus est, qui recogitet. Non peccamus, non perimus, nisi quod de salute nostra non cogitemus. Si quæras è plerisque damnatorum Manibus, cur sint in inferno, respondebunt tibi, causam hanc esse, quod de eo non cogitârint. Majestas Dei, judicium, infernus, cælum tanti sunt momenti, ut si quis prorsus stupidus non sit, de ijs cogitare non possit, quin moveatur, nec moveri, quin vitam in melius commutare statuat. Cedò ; possumusne salutem consequi, si Deo non serviamus, si eum non amemus ? possumusne eum amare, sicut oportet, nisi probè eum cognoscamus ? qui verò hanc cognitionem assequi possumus, nisi per meditationem ? scelerum quoddam diluvium terram innundavit : Ierem. 12.
v. 11.

46 Considerationes Christianæ.

Iulius

quia non est scientia Dei in terra, inquit Propheta. Pater sancte, mundus te non cognovit,

Ose. 4. v. 1. *querebatur Servator Patri suo. Et hæc ipsa causa est, quod tam ignaviter tibi ser-*

Ioan. 7. 25. *viat, tamque petulanter te offendat. Ignorantia, qua nescitur Deus, plerorumque origo criminum est: sed defectus meditationis est hujus ignorantiae fons, & principium.*

II. Ad salutem æternam consequendam non sufficit, Deum cognoscere; sed & oportet cognoscere semetipsum. Hanc Dei, & sui ipsis cognitionem S. Augustinus assiduè expetebat. *Noverim me, novem te.* Ut ad salutem nostram efficaciter laboremus, perfectè cognoscere oportet fundum corruptionis, quæ in nobis est, ut nos deprimamus, nobisque ipsis diffidamus, immoderationes cordis nostri, ut ijs medeamur; propensionem continuam, qua in malum ferimus, ut eam reprimamus; repugnantiam, qua virtutem horremus, ut eam superemus; impotentiam quidquam boni præstandi, ut eam oratione suppleamus; affectum animo nostro dominantem, ut eum impugnemus; perfidias nostras, & continuam beneficiorum oblivionem, ut eas dolore, & pœnitentia nostra sarciamus. Possimusne o-

mnia



mnia hæc præstare , nisi in nos ipsos de- ^{Julius}
scendamus? hoc autem fit per consideratio-
nem , & meditationem. Sed nunquid id,
quod eam necessariam reddit , causa quo-
que est , quæ nos ad eam timendam , & de-
clinandam impellit ? ignorare mala affe-
ctamus , quibus mederi renuimus.

III. Seipsum , Deumque cognoscere ad
salutem æternam obtinendam non sufficit;
sed necessarium insuper est , muneric sui
partes exactè scire , & implere. Verum eas
nunquam implebimus , si eas non amamus,
qui verò eas unquam amabimus , si earum
pulchritudinem , æquitatem , utilitatem
non cognoscimus ? hoc autem docet medi-
tatio. Si probè perspiceremus præstan-
tiā legis divinæ , amplitudinem bono-
rum , quæ Deus promittit iis , qui eam ob-
servant , gravitatem pænarum , quas mi-
natur illis , qui legem transgrediuntur; au-
deremusne illam violare ? qui igitur fit ,
ut hæ res tanti in se ponderis , tanti ,
quod nos attinet , momenti , cor
nostrum tam parùm penetrant , nisi
quod eas non cognoscamus bene ? Et
quidnam in exactam earundem cognitio-
nem perducere nos potest , nisi seriæ con-
siderationes , nisi frequentes meditatio-
nes ? sic Deus populo suo vehementer com-

men-

48 Considerationes Christianæ.

Julius,

mendar, ut diu, noctūque legem suam meditentur, eam semper ob oculos sibi ponant, eam in manibus, sed multò magis in animo, & corde suo semper circumferant; de ea cogitent, dum domi, nec ejus obliviscantur, cùm in itineribus versabuntur. quì magis, urgere potuisse? & sanè, si quis non frequenter obligationum suarum recordetur, citò earum obliviscitur, nec multù abest, ut violet.

Statue, tempus aliquod tibi eligere de veritatibus æternis cogitandi.

Beati, qui scrutantur testimonia ejus, in toto corde exquirunt eum. Psal. 11. 8. 2.

Consideratio regit affectus, dirigit actus, corrigit excessus. Bern de Confid.

D I E S XVI.

De Prædestinatione.

I.

Sùmne prædestinatus? sùmne reprobatus? O terribilem, sed inutilem, imò & periculosam quæstionem! terribilis est, quia agitur de re non minoris momenti, quam mea sit felicitas æterna. Quæstio hæc inutilis est: cur enim cognoscere desiderem, quòd Deus absconditum nobis es-

se

